

藏

要



歐陽竟無 編

藏要

十

上海書店出版社

第十册 目錄

論藏

菩提資糧論大科……………一

卷一至六

六門教授習定論……………一一一

顯揚聖教論大科……………一二七

卷一至二十

大乘掌珍論科文……………五七九

上下卷


成唯識寶生論科目……………六二五

卷一至五

舍利弗阿毘曇論非問分道品卷十三至十四……………七二五

三法度論上中下卷……………八〇五

解脫道論卷一至九……………八七九



.

菩提資糧論卷第一

聖者龍樹本 比丘自在釋

隋天竺三藏達摩笈多譯

說論緣起
今於諸佛所

合掌而頂敬。我當如教說。佛菩提資糧。一

佛者於一切所應知中得覺此爲佛義如所應知而知故。又於無智睡眠中覺故。覺者寤爲義以離無智睡故。又諸釋梵等不覺此覺唯是名聲普遍三界者所能覺故。一切諸佛乃覺此覺。以一切種遍智唯佛所知非諸聲聞獨覺菩薩以不共法具足故。諸者無闕故。謂過去未來現在等。頂者上分故。合掌者攝手故。敬者向禮故。我說者自分別故。如教者彼彼經中種種已說今亦如彼教說故。佛者離無智故。菩提者一切智智故。資糧者能滿菩提法故。譬如世間瓶盈釜盈等盈是滿義如是以滿菩提法爲菩提資糧。又以持爲義。譬如世間共行日攝於熱月攝於冷攝是持義如是。

以持菩提法爲菩提資糧言資糧者卽是持義。又以長養爲義。譬如世間有能滿千或百或十或唯自滿或難自滿菩提資糧亦復如是以長養菩提爲義。又以因爲義。如舍城車等因中說言舍資糧城資糧車資糧如是於生菩提因緣法中說名菩提資糧。又以衆分具足爲義。譬如祭祀分中杓火等具足名爲祭祀非不具足亦如身分頭手足等具足得名爲身非不具足施分亦如是施者施物受者迴向此等具足名施資糧非不具足戒等資糧亦如是是故衆分具足義是資糧義。如是我說菩提資糧是能滿者持者長養者菩提因者菩提分具足者皆其義也。

何能說無闕 菩提諸資糧 唯獨有諸佛 別得無邊覺。二

何能者何力也。若聲聞若菩薩少分覺知無力能故。若欲說諸菩提資糧無闕無餘唯是諸佛別得無邊覺者。言無邊覺謂非少分覺故。以佛世尊於無邊應知義中覺知無礙是故佛名無邊覺者。又於欲樂及自疲苦斷常有無等邊。見中覺而不著以

(一) 原刻宋思溪本作見。今依麗刻再雕大藏本改。

所覺無邊是故佛名無邊覺者。

問。何故資糧唯佛能說。餘人不能答。

佛體無邊德。覺資糧爲根。是故覺資糧。亦無有邊際。三

佛體者卽佛身也。以彼佛體具足無邊功德。故說佛體無邊德。功德者謂可稱讚義。若可稱讚則名功德。又是數數作義。譬如數數誦習經書。彼則說名作功德者。又是牢固義。譬如作繩。或合二爲功。或合三爲功。又是增長義。譬如息利。或增二爲功。或增三爲功。又是依止義。譬如諸物各以依止爲功。如是佛體爲戒定等無邊差別功德。依止故說佛體有無邊功德。覺資糧爲根者。彼菩提資糧與佛體無邊功德爲根本故。根者建立義。菩提者智也。根卽資糧。以彼資糧能建立一切智智。是故資糧爲佛體根本。良由佛體有無邊功德。須以無邊功德成彼佛體。是故資糧亦無邊際。

當說彼少分。敬禮佛菩薩。是諸菩薩等。次佛應供養。四

彼諸資糧無邊而智有邊。是以說彼資糧不能無闕。故言當說彼少分敬禮佛菩薩。問。應禮佛以一切衆生中最勝故。何義此中亦禮菩薩。答。是諸菩薩等次佛應供養。故諸菩薩等從初發心乃至覺場皆應供養。菩薩有七種。一初發心二正修行三得無生忍四灌頂五一生所繫六最後生七詣覺場。此等菩薩於諸佛後次應供養。以身口意及外物等而供養之。初發心者未得地。正修行者乃至七地。得無生忍者住第八地。灌頂者住第十地。一生所繫者方入兜率陀。最後生者兜率陀處住。詣覺場者欲受用一切智智。於七種菩薩中初發心菩薩一切衆生皆應禮敬。何況餘者。何以故。深心寬大故。如來教量故。初發心菩薩發菩提心時。於十方分無減諸佛土無減諸衆生無減以慈遍滿發菩提心。若未度衆生我常度之。未解脫者我當解脫。未蘇息者我當蘇息。未寂滅者我當寂滅。應聲聞者我當令入聲聞乘。中應獨覺者我當令入獨覺乘。中應大乘者我當令入大乘之中。欲令衆生悉得寂滅。非爲寂滅少。

分衆生。以是深心寬大故。一切衆生皆應禮敬。何者爲如來教量。如世尊說迦葉。譬如新月便應作禮。非爲滿月。如是迦葉。若信我者。應當禮敬諸菩薩等。非爲如來。何以故。從於菩薩出如來故。又聲聞乘中亦說於彼。知法者若老若年少。應供養恭敬。如梵志事火。以是故諸菩薩等。次於佛後皆應供養。如偈說。紹持佛種者。勝餘少分行。是故諸菩薩。次佛後供養。慈與虛空等。普遍諸衆生。是故最勝子。次佛後供養。於諸衆生類。大悲猶如子是。故此佛子。次佛後供養。悲心利衆生。無二似虛空。是故無畏者。次佛後供養。一切時如父增長。諸衆生是。故諸菩薩。次佛後供養。猶如地水火衆生。常受用是。故施樂者。次佛後供養。唯爲利衆生。捨離自樂。因是故彼一切。次佛後供養。佛及佛之餘。皆從初心出。是故諸菩薩。次佛後供養。

資糧法體 正取六度 般若爲初資糧
問尊者已正說資糧教緣起。今應說資糧體。答。

旣爲菩薩母 亦爲諸佛母 般若波羅蜜 是覺初資糧。五

總釋

以般若波羅蜜是諸菩薩母故爲菩提初資糧。何以故。以最勝故。如諸身根中眼根最勝。諸身分中頭爲最勝。諸波羅蜜中般若波羅蜜最勝亦如是。以般若波羅蜜最勝故爲初資糧。又前行故。如諸法中信爲前行。諸波羅蜜中般若波羅蜜前行亦如是。以彼陀那若不迴向菩提則非陀那波羅蜜。如是尸羅等不迴向菩提亦非尸羅等波羅蜜。迴向菩提卽是般若。由般若前行故能迴向。以是前行故諸波羅蜜中般若波羅蜜爲菩提初資糧。又是諸波羅蜜三輪淨因體故。以般若波羅蜜爲諸波羅蜜三輪淨因體是故般若波羅蜜爲菩提初資糧。三輪淨者菩薩於般若波羅蜜中行布施時不念自身以離取自身故。不念受者差別以斷一切處分別故。不念施果以諸法不來不出相故。如是菩薩得三輪淨施。如淨施淨戒等亦如是。以此般若波羅蜜是彼諸波羅蜜三輪淨因體故。般若波羅蜜爲菩提資糧。又大果故。般若波羅蜜大果勝諸波羅蜜。如經說菩提心福德及以攝受法於空若信解價勝十六分。轉

羅摩經中大果因緣此中應說。以大果故般若波羅蜜爲菩提初資糧。別釋一般若

若爲母

若波羅蜜得爲菩薩母。答以能生故。方便所攝般若生諸菩薩。令求無上菩提。不求聲聞獨覺。以是生佛體。因故般若波羅蜜爲菩薩母。又置於五波羅蜜中故。如言冥鉢囉膩波低也。冥爲性鉢囉膩波低爲誦。卽此性相是爲摩多。

摩多翻爲母。於字聲論中

摩多字從冥鉢囉膩波低語中出。冥是摩多體性。鉢囉膩波低是誦摩多義。鉢囉膩波低正翻爲置故。以置爲

母義。

譬如母生子時。或置牀敷。或置地上。般若波羅蜜亦如是。生彼求菩提菩薩時。置於施等五波羅蜜中。以能置求菩提菩薩故。說般若波羅蜜爲菩薩母。又以量故。如言茫摩泥也。茫爲性摩泥爲誦。卽此性相是爲摩多。

於字聲論中摩多字又從茫摩泥語

中出。茫亦是體性。摩泥是誦其義。摩泥正翻爲量故。以量爲母義。

譬如母生子已。隨時籌量。如是我

子。以此食故。身增以此故損減。菩薩亦如是以般若波羅蜜自量其身。我應如是布施。我應如是持戒等。以是自量因緣故。說般若波羅蜜爲菩薩母。又以斟量故。譬如

量物有鉢邏薩他有阿宅迦有突嚧拏有佉梨底等。如此開合升斗斛之類。斟量諸菩薩

亦如是此初發心此修行此得忍等。以斟量因緣故說般若波羅蜜爲菩薩母。又以修多羅中誦故。所謂於諸經中作母名誦。彼等經中有名稱遍諸佛國菩薩名毗摩羅吉利帝說伽他言。舊云維摩詰者不正。般若波羅蜜菩薩仁者母善方便爲父慈悲

以爲女。復有餘經亦如是誦。以修多羅量故說般若波羅蜜爲菩薩母。問。何故般若波羅蜜亦爲諸佛母。答。以出生及顯示無障礙智故。過去未來現在諸佛由般若波羅蜜阿含故煩惱已盡當盡今盡。以是出生故般若波羅蜜爲諸佛母。顯示無障礙智者以過去未來現在諸佛世尊顯示無障礙智皆般若波羅蜜中顯。以是顯示無障礙智故諸佛亦以般若波羅蜜爲母。此中有輪盧迦。

由大悲相應 般若波羅蜜 於無爲際岸 佛子能超過。
得到無等覺 利攝諸衆生 智度爲母故 大人能如是。

由得智度故 乃得成佛體 故爲諸佛母 勝仙之所說。

二般若名度 何故此名般若波羅蜜。以不與聲聞獨覺共故名般若波羅蜜。於上更無所應知故

名般若波羅蜜。此智到一切彼岸故名般若波羅蜜。此般若波羅蜜餘無能勝故名般若波羅蜜。三世平等故名般若波羅蜜。虛空無邊平等故名般若波羅蜜。如是等勝因緣如般若波羅蜜經中說故名般若波羅蜜。

餘度爲大資糧 問已略說菩提初資糧。第二資糧今應說。

施戒忍進定 及此五之餘 皆由智度故 波羅蜜所攝。大

一施 此中陀那波羅蜜爲第二菩提資糧。以般若前行故。菩薩爲菩提而行布施。是故施爲第二資糧。於中生他身意樂因名布施。非爲作苦。彼有二種謂財施法施。財施亦有二種謂共識不共識。共識亦有二種謂內及外。若施自身支節若全身施是爲內施。若施男女妻妾及二足四足等是爲外施。不共識亦有二種謂可食不可食此有

多種。若施身內受用飲食等物是爲可食。若施身外受用香鬘所攝金銀珍寶衣服土田財物園池遊戲處等是爲不可食。然可受用法施亦有二種。謂世間出世間。若因法施於流轉中。

舊云生死者非正翻名。今改爲流轉也。已後諸云流轉者皆是此義。

出生可愛身

根境界是爲世間。若因法施果報越度流轉是爲出世間。彼財施法施各有二種。謂有著無著。若爲自身若爲資生若爲勝果希望相續以財法施是爲有著。若爲利益安樂一切衆生若爲無障礙智是爲無著。其餘更有無畏施等。亦隨順入財施中。彼二種施果及餘氣。

謂津液也。

具如大乘經說。此中當略說偈。

飲食及被服	隨須皆布施	亦施華鬘燈	末香與音樂
或施諸美味	藥物及椅枕	養病之所須	并醫人給侍
男女與妻妾	奴婢及倉庫	莊飾諸姪女	隨須皆布施
所有諸寶物	種種莊嚴具	象馬車乘等	妙物盡施之

園林修道處 池井集會堂 土田并雜物 客舍等皆施。
若二足四足 若復一洲渚 村落與國都 及王境悉施。
施所玩好物 利樂憐須者 爲諸衆生依 怖者施無畏。
施其所難捨 手足眼耳鼻 亦施心與頭 舉身悉能捨。
修行布施時 常於受者所 應生福田想 亦如善眷屬。
布施諸果報 具足善聚集 迴向爲自他 成佛及淨土。
菩薩所行施 正迴向佛體 此菩薩陀那 得名波羅蜜。
若彼若此岸 亦無能說者 施果到於彼 說爲施彼岸。
今說施主差別。

不貪於愛果 悲故三輪淨 正覺說彼施 是爲求菩提。
我已作此事 正作當亦作 若作如是捨 傭賃非布施。